

## Jagiáiggiid čuovvun

<b>Geasa:</b> Vuolleskuvla	<b>Gos:</b> Siste ja olgun
<b>Meahccepássa oassi:</b> Luonddus lihkadeapmi	<b>Goas:</b> Skuvlajagi birra
<b>Oahppanmihttomearit:</b> Áicat luonddus dáhpáhuvan nuppástusaid sierra jagiáiggiin.	<b>Dárbašat:</b> Muituimerkendárbašat, viivvut, kámera
<b>Bistin:</b> sulaid 10 min x 11	<b>Olmmošressusat:</b> 1


### RÁVVAGAT

1. Printe juohke oahppái sierra dahje páraid mielde jagiáiggiid čuovvuntabealla. Sáhttibehtet maddái dahkat olles luohkkái oktasaš tabealla (omd stuorruvuon hámis luohkái seaidnái).
2. Atte oahppiide bargun čuovvut seammá luonddu čuožáhaga (omd ruovttušilju, luohká lásas oidnon meahci, dihto vári/jávri/joga) sierra jagiáiggiid skuvlajagi birra.

Dán bargobihtás dutkat luonddus dáhpáhuvan jagiáiggiin bohtán nuppástusaid. Áicamat čohkkejuvvojit dán tabellii. Livččii buorre jus guorahallama báikkis livččii muhtun veardde šattolašvuohta.

Jagiáiggiid molsašuvvamis ja daidda váikkuhan planetarialaš ihtagiin gánneha ságastallat álo skovi deavdima ja dan guorahallama oktavuodas. Youtubes leat finna videot dihto guovllu jagiáiggiid molsašuddamis (omd ohcansániin "seasons in Finland", "a year in Helsinki", dahje "the difference between summer and winter in Finland"), maid sáhtta ávkástallat ságastallama boktaleaddjin. Jus skuvllas leat anus kámerat dahje dihtorlávddit sáhtta oahppiiguin govvet seammá oidnosa vaikkoba juohke mánu mañimuš skuvlabeaivve ja laktit mielde skovvá.

Mañimustá giđdat guorahallat dárkileappot skovvá merkejuvvon nuppástusaid. Sáhtta maddái ságastallat, leago guorahallanáigodagas leamašan ovdamearkan hui galmmas, arvái, unnán muohta dahje goikkis.



**Geažideamit skovi deavdimii:**

- Dálkedilit-báikái lea dárkkuhus čállit, leamašango áicanáigge balvái, beaivádat, belohahkii balvái, arvái, bieggá, dje.
- Muohttaga gassodaga mihtideapmái heive guhkes viivvut (dárbbu mielde stuorra távvalviivvut) dahje soabbi, mainna muohttaga gassodat guorahallo ja mihtiduvvo. Hoigga viivvuha/soappi muohttagii nu njuolga go vejolaš ja fikka sihkkarastit, ahte dat deaivá eatnamii.
- "Áicamat šattuin" –báikái sáhtta čállit makkárat muoraid lasttat leat (leatgo dat)? Mo šattut leat olggošaidnit? Oidnojitgo guobbarat?
- "Ealliáicamat" –báikái sáhtta listet áicanáigge dutkanbáikkis oidnon ealliid (njiččasat, lottit, divrrit...)
- Jieŋa sáhtta dárkot lahka lean čázadagas, jus dutkanbáikkis ii leat omd ája.

